



國家清史編纂委員會・文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 二六〇

小山詩鈔十一卷 鄒一桂撰

一

眺秋樓詩八卷 高岑撰

一二三

銘村詩全集四十四卷 邱上峰撰

二一五

瘦暈山房詩刪十三卷附續編一卷 羅天尺撰

五九五

乾隆庚寅年訂

小山詩鈔

齋藏板

序

一曰先生以侍郎告老迴里泉石徜徉寄情詩畫迄今餘十年公寅秋緝其所為古今體詩凡若干卷付之剞劂為序先生詩不事雕飾恬淡冲夷自然全度領近香山白氏其自題畫有云香山詩句衡山畫彷彿春風到筆尖於詩學源流派別蓋已自知之矣攷香山會昌中請罷太子少傅以刑部尚書致仕與香山僧結香火社白衣鳩杖自號香山居士論者謂先生不獨詩近香山其出處進退瀟然自得亦頗

序

有同者顧鐔考香山初遇好文之主拔置諫垣自以特達顧遇慨然自任厥後不容於當軸流徙江湖所居官未嘗終秩其中不自得者時時見之於詩先生登仕籍三十年位歷通顯不特從容應制歌咏太平以誌一時都俞之盛其平時賦物懷人登臨跋涉一吟一咏亦都冲澹閒適無纖毫幽憂感激之意流露於無形以是知

朝手清明堂陛德形而為言和平澠緩而皆可以傳於後然則讀先生之詩究論先生終始之遇雖千

載下猶將感泰而興起焉況於親見之者哉夫豈香山之所可幾哉遂書以覆先生時乾隆三十五年孟秋九日族姪孫方鏐拜草

序

跋

瑾年十五學為制藝塾師取先生會墨以示曰此讀書有得者之言也攻舉業當以此種為法心識之而竊怪焉蓋爾時鄉會文皆尚濃澁駢言累幅與師所與示者絕下類故瑾初握管時亦以此為可喜及讀前輩大家文皆宗理法不尚詞華乃於此中稍稍有得始歎師言之不余欺也後十年讀

跋

御製樂善堂集見所題先生畫冊詩而知文之可為法者又何多能也心益慕之歲癸酉長洲少宰彭公按試睦州錄瑾充邑選貢晉謁時以先生繪事為問公曰此吾鄉詩文之宗匠也豈區區繪事云乎哉其家學淵源根柢深厚侃侃立朝和不同周不比而獎勵後學娓娓不倦余嘗望而畏之愧弗及也瑾自知失言而嚮慕之心益皇然已及赴試京師道出吳閫謁少宰公於家因公與先生有同譜之誼欲乞一言為羔鴈公曰生到都往謁焉自知之不假余緘也抵都門即訪先生之居而謁焉見其氣和言質藹然可親獎勵後學娓娓不倦信不誣矣既而授餐門下朝

夕承教耳提面命之餘因請詩稿雜誦之本人情狀
風物清腴雅切如歐陽公所云哆兮其似春凄兮其
似秋讀之可以喜可以悲陶暢酣適不知手足之鼓
舞也先生西至臨洮南極牂牁歷泰華衡恒之區臨
江淮河漢之瀆瀑直

禁廷簪筆賡和所為詩歌播之金石而傳無窮瑾何
幸而得此鉅觀也昔蘇文忠公序范文正公集謂獲
挂名其文字中以自托於門下士之末以副疇昔之
願已為大快今瑾得從先生遊親承訓誨舉二十年

跋

來嚮慕之心一旦副之不更快也耶瑾是以益信曩
時師說與少宰公之言為信而有徵也乾隆二十有
一年丙子歲春王正月人日受業淳安宋瑾謹跋

詩鈔總目

第一卷

度索軒詩三十四首

第二卷

懷西集一百二十七首

第三卷

金臺錄九十首

第四卷

粵遊草二十六首

總目

第五卷

筑籟一百十首

第六卷

瑄吹集六十八首

第七卷

凝華集八十八首

第八卷

孚岳集六十六首

第九卷

慶載集一百二十一首

第十卷

鳴和集一百十八首

第十一卷

修初集一百三十六首

總目

二

度索軒詩

讓鄉鄒一桂

壬寅新歲集博雅堂分韻

良會逢新節春晴是處同樓簷餘薄雪披柳得和風鳥
語梅窓靜人來竹徑通琴調冰柱釋劍吐日光曉點筆
山凝翠題箋字拂紅棣花仍舊詠蘭澤又新叢酒戶同
坡老文壇續放翁翦燈餘半寸聽曲已三終歲月驚陶
令池塘夢謝公他年追勝賞應憶此堂中

燈後遊秦別諸兄弟

度索軒詩

一

樂事春方始脂車忽遠遊梅菟驚別夢柳意織新愁貧
賤家何有生涯梗自浮看花在何處擬向曲江頭

京口阻風

仗劍飄然去蒼茫隔大江山迷雲似膩風急水相撞石
燕偏能舞湫龍未肯降郡樓還信宿別緒對銀缸

亳州店追和新年詩社韻

柳絲初染即辭家落遍梅花又杏花客路驚心芳草換
故鄉回首白雲遮小樓日暖宜新燕野店風寒趁曉鴉
行盡江南程未半又看馬首夕陽斜

清明客感

散煙佳節與誰親千里崎嶇愧一身走馬正逢饑饉後
踏青俱是化離人眼前風木他鄉淚夢裏鶯花故國春
日暮又過青塚畔紙錢飛去亂紅塵

函谷關

函關天下險萬古稱強秦我來臨虎穴不見猶龍人深
谷暗窺窳蒼壁排嶙峋仰天失紅日滾地飛黃塵如入
大隊中偪仄無由伸轉轉忽山破豁然天地春黃河自
西來東流達孟津巨舸橫大索夾岸車轟轟中條障洪

度索軒詩

二

波紫氣延汾濱沿流入大野曠放平無垠膏腴繡相錯
密樹稠居民雄哉實天府愧我飄飄身

望西嶽

奇峯挿空來雲霧變昏曉齧牙蝕青旻豁腹羅衆小鴻
濛播大地造物良亦巧疑是巨靈斧斫壁立巉峭不然
媧皇功煉此補天杪恨無九節杖挂入青雲杳激盪玉
女盆蓮花香窈窕俯摩三峰頂仰逼參旗皎遠引瑤池
觴近接商山老何時拂塵襟按圖恣幽討征車不可留
予懷徒渺渺

上巳雪

玉女飛塵忽素秋遠看山翠悉茸裘漸裙好約尋梅侶
采藥還同詠絮儔垂柳已青驚白眼落花墜粉亂紅愁
好將榆火烹瓊液得似春泉注越甌

雨後集蘊真軒看牡丹

好雨洗新綠花香驕旅人簾開風日佳馥馥雕闌春我
有一斗酒遣此十丈塵榆錢不買笑落紅空繡茵池館
昔誰開絲竹今誰陳富貴詎有種姚魏原非真狂歌信
可哀奮筆直有神飲酣月沉醉曲妙花妒嗔堂堂春欲

度索軒詩

三

去秉燭追良辰

長安懷古

秦地山川誇禹貢黑水黃河界惟雍涇渭合流汨漆從
終南秀鬱荆岐控由來虎視帝王州非止膏腴足國用
丕丕周基豐鎬雄屹屹秦關百二鞏斬蛇帝子來西遊
亦越隋唐俱一統其間作都歷五朝世事繁華日增踵
聲名文物追九衢甲第樓臺無隙空我生生長在南國
側身西望岐陽鳳幼時讀得西京賦空羨文章高屈宋
今來携向曲江邊一一披尋行且誦千門萬戶安在哉

綠樹空餘鳥聲啼，落花生開換古今。羅綺香銷百年夢，當時年少五陵兒。黃金蹀躞青絲鞵，朝歌杜曲暮樊川。車馬春風日馳縱，祇今臺榭盡田疇。明月清風野人共，樂遊原上春草繁。灞橋新柳何人種，關中饑饉頻洊臻。塞外干戈日倥偬，珠桂常年苦轉輸。哀鴻忍迫追呼痛，我來感慨事非一。對此不覺心惻動，誰能挾瑟向吹竽。惟應拊缶和擊甕，亟呼秦女快吹簫。明日春歸為春送。

送春曲

遠遊信足無不可，杜二城南忽有我。翻怪東風不客秦，

度索軒詩

四

庭花欲落春無那，白日長繩繫木能。蓬萊有路去何曾，長安風景日彫落。况復年來饑饉仍，眼前歷歷斜陽樹。西方美人在何處，欲呼明月照酒杯。對酒惜春春欲去，春去春來春又春。漢家宮闕已成塵，祇今惟有長城在。莫笑當年無道秦，

新綠

薄霧輕籠是也，非捲簾清影透。書幃枝柔似怯，朝光嫩葉暗旋經。宿雨肥小慙陰垂青，玉案偶行色上素羅衣。更看馬射春旗動，一騎紅塵突翠圍。

詠燭二首

夜遊何地不追陪，詩酒場中占百迴。每向春風偷淚落，恰逢人喜報花開。貧來鑿壁光堪借，滅處牽衣巧作媒。漫道紅顏易銷歇，鳳膏初翦未全灰。

昨宵寒食節，相催誰送金蓮御苑回。未免有心憐別曲，可能無跋上高臺。芙蓉帳裡移春去，玳瑁筵前替月來。不學豪家代薪灼，百枝常照夜光杯。

杜子美祠

一叢翠栢映踈楊，仿佛成都舊草堂。廿載饑驅憂社稷，

度索軒詩

五

百年風雅見文章。門前自結青山伴，世上誰憐白首郎。仰止高風凝坐久，紫藤花落帽簷香。

夜坐時已三鼓

紅蠟心傾頓欲灰，回光曾不照銀臺。三更漏滴人猶坐，四壁風聲雨又來。鸚鵡賦悲千里別，杜鵑啼勸幾時回。從今芒屨輕珠履，准掃蓬門印綠苔。

雨餘窓外久沉陰，獨坐蕭齋思不禁。怪爾春歸便秋意，慙余秦地有吳吟。腹枵轉效東方謔，眉蹙誰諳西子心。正是短檠愁不寐，隔牆偏唱雨淋鈴。

端陽前發家書

菽水承歡未有期每逢佳節益增悲白雲望斷三秦路
血淚紛於五色絲何日粉團供翠釜幾番畫鷁趁朱旗
板輿欲奉今安在腸斷薰風一紙詩

賦得終南佳氣入樓臺

漢宮高處列層巒六幅屏山對面看日出暝紅浮畫閣
雨餘蒼翠逼朱闌雲穿繡戶停歌館霧鎖金人失露盤
千百年來幻如蜃等閒明月照長安

病後早秋

度索軒詩

六

怕說年光似水流一分餘病一分秋久疎茶竈唯親藥
小立花堦便當遊園果著風紅欲墮石枰經雨潤初收
今朝不許鄉心起莫見斜陽又上樓

重陽前雪

六出飛霰下三秋景物殊當歌猶素扇對酒欲紅爐曉
帳驚梅發陰庭怪月鋪方珪桐翦瑞飛白雁書無萱折
嗟何及蟲疑信不誣芭蕉臨畫幅楊柳記征途頓覺蘆
花晚逆憐塞草枯授衣難代絮落帽不成烏謝賦悲何
早梁園歲易徂陽春誰和者拔劍起鳴鳴

小山詩鈔

秋暮送櫟亭東歸出郊登雁塔

時節蕭條意黯然可堪對榻忽離筵霜楓未染人先醉
秋水方寒我獨憐三尺青萍休斫地一杯桑落且談天
此行釣得鱸魚美好便乘槎到月邊

酒罷驪歌且莫催南郊緩轡共徘徊蕎花漫漫迷樵徑
野菊斑斑上釣臺無數寒鴉歸塔院一聲秋角傍城隈
好山欲別愁相見故遣浮雲護不開

滿眼雲山亦足豪扶風在耳髮騷騷興亡何限悲前代
離別無端到我曹縱有虛名留雁塔也應浮世等鴻毛

度索軒詩

七

羨君歸趁紅蓮晚手把霜螯醉濁醪

寒食酌海棠下以顛巢二字為韻

怪底朝來散紫烟錦江花色繡簾前愁含細雨慵如睡
嬌舞輕風醉欲仙宜有鵲音傳好事得邀梅聘敢齊年
落紅猶自飛金屋肯逐長堤柳絮顛

血染猩啼透綠芭粉舒蝶翅間紅梢每來佳客成名飲
偏與高人作淡交杜老無詩應偶軼徐卿沒骨更誰教
一枝留得春風面漫說他年有鳳巢

度索軒桃花盛開懸燈快飲得偏字

憶昨我來時花開正輕茜今茲花又開歲月已周徧六
駒過難留萬斛愁莫遣及此春未闌謀作花前宴盤殮
聊自具襟坐從所便落日倦遊蜂鉤簾接歸燕花光亂
燈影觸目增轉眄錦浪浮半空飛霞落千片燦列儼聚
星激射駭流電此時座無譁清言不可選巨罰安足辭
三爵過猶洗酒政忽兵行大呼索酣戰壁壘分兩軍旗
鼓當一面風來火樹搖花落紅雨濺餘香滿接罹爽氣
巖領緣樂極古所箴得意戒勿戀亟起步迴廊譙鼓已
三轉

度索軒詩

八

遊韋杜二曲看桃花

客居近城南未識韋與杜側聞看花約未往神已赴輕
車出郊來景豁陳悶破清塵賴雨後辨道失雲霧南山
見凹凸層複不知數一徑窅而深雙塔聳相顧忽作天
台遊頓入桃源誤紅霞燒山脚豈是大冶鑄上覆蔚藍
天下界白石路穴居讓平疇柳岸夾花塢咄哉錦繡錯
怪此烟景互當年尺五天平民那得住繁華恣點染或
少此真趣生平慕小隱邱壑吾所素家山別五年見此
若親故荒祠謁子美漠漠見塵壘瞻拜肅儀刑慙足簷

下坐堦前水灑灑花落小橋渡遠望白鷗飛水田穿竹
墅山逼境漸佳日落馬嘶暮勝遊不能終挾奧天公惡
欲和輞川詩留作他年賦

燕翦

破錦穿花去今絲拂柳迴輕宜窺繡戶巧合伴粧臺翠
幙憑誰製烏衣只自裁春風還似爾相識好歸來

鶯簧

公子花間客偏從綠嶺過雲和方出谷金縷已拋梭調
律春風暖操音楚語多可能齊鳳管並作羽衣歌

度索軒詩

九

榆錢

莫笑囊中溢堦前十萬贏無文誰是母有眼即稱兄藏
漫原無盜今多不厭爭好山如可買擬掛杖頭行

柳絮

挾纈恩難遍憑君到處飛禦寒翻似雪試煖不勝衣點
徑花茵厚沾波水穀微緼袍吾亦樂用爾惜時非

曉沐臨潼

落月下西巖團團鬱金色碧瓦浮殿明叢木冒山黑中
有早行人涼風生肘腋汨汨道旁水相應秋蛩織點也

斐然狂浴罷三歎息阿房誇北構一炬三月熄華清古
無倫蹂躪供羯賊悠悠千載後蒼骨辭粉飾幽寂誰主
人清虛我獨得緩歸步長林曦光照城闕何當弄泉手
又挽青絲勒

小車行

山頭軋軋小車過修如長蛇聯什伍牛車馬轍不得路
獨輪推輶工行步車中所載問何驚荅云晉飢秦輸粟
哀鴻不鳴洵可哀遙指饕餮道旁木朝來所過望西成
黍與稷翼多豐盈白楊風高秋滿野紅蕖花開香浸城

度索軒詩

十

豐凶相去僅百里何因便得隨車雨皇天愛物無私阿
定應前路皆如此莫言前路皆如此小車軋軋無停軌

懷西集

讓鄉鄒一桂

中秋日寫廣陵觀潮圖并題

白露初團暑未消偶於湘筴寫江潮秋風客路三千里
明月揚州廿四橋

病後出都遊晉陽途中雜感

病起驚看歲月遲呻吟纔罷即驅馳回車不是還家客
題壁元非下第詩

癸卯余自西秦入京
病未會試就幕晉學

起澗鳴斜石亂冰漸同與賴有編蒲者促膝談天興未

懷西集

衰時與任鈞
臺同行

遠峰疊翠闢蛾眉一簇村煙颺酒旂似爾晚容真可畫
怵余來日竟無詩董生勉矣遊茲土季子歸哉又幾時
贏得飽看雲岫態不愁前路有傾欹

客程心事幾消磨三月清風清風店名兩次過山色有情應

我待天涯無計奈愁何草欺寒日凝霜久樹撇荒村見
寺多且辦搗風沽酒去一鞭乘醉過潯沱

往來山逕石嵯峨蕭颯情懷感逝波兩載功名三月夢
一身貧病半生過霜寒更覺征裘敝酒薄難消客恨多

安得相逢慷慨士解鞍擊筑聽高歌

函關次任鈞臺韵

此去分燕道京師首重回關客一夫守山合五丁開跨
嶺崇墉屹奔嵯怪石頽太平閒地利孤劍老雄才

南天門

側足萬山頂憑虛望欲顛斷霞平古木飛鳥落寒煙白
破千原雪青垂四壁天嗒然我喪我長嘯接飛仙

冬至日憶兄

不到陽生已閉關曉寤晴夢日幽閒客中佳節輕輕過

懷西集

二

病後詩情漫漫刪微雪乍融書几淨落暉遙映粉牆殷
雁書望斷鵲原信一縷燕雲萬疊山

代州公署題壁

豈必明窓盡絳紗箇中風物亦堪跨初除堦畔留芳草
新粉墻頭出杏花野鳥戴冠名布穀驛亭供飯進胡麻
城樓近處鳴笳急更有青山對晚霞

題莊千里乘槎小影

壯哉海水排空立噴礴洪波若呼吸乾坤震盪風雨愁
八表茫茫浮一笠一笠乘槎到漢邊飄飄鶴氅如神仙

卷書上列星斗氏劍氣下觸蛟龍眠吾聞蓬萊之山巖
鶯背瓊樓綺閣遙相對秦皇漢武望眼迷方士不四凡
幾輩人生百歲幾滄田留取容顏貴少年君家向有道
遙客為寫南華第一篇

四月望夜登三立閣

梯雲直欲接三台暝色涵空入檻來涼月浮金光萬戶
遠烟橫碧鎖層臺蒼茫盡意無中有黯淡詩懷寂處開
假日不嫌頻眺望故鄉何處首重回

知非吾土亦登臨況我來時月正明大地銀河浮玉宇

懷西集

三

挿天青嶂護金城依依雙塔林中影咯咯群蛙草際聲
隱約度樓風景在倚闌凝坐斗杓橫

凌井溝

仲夏發陽曲披榛走山麓輕車過雙堦便入凌井谷奇
峰相面壁怪石如覆屋窄徑九迴腸展轉傷局促血枯
涓脉乾骨露山頂禿剝削班斧痕風露石佛浴壁間斗
大字誰筆猶可讀奇絕得未曾陰矣亦此獨本是蛟龍
居強使騏驎逐聚足馬滑苔擊轂石脫輻氣絕路始平
神定聞布穀前車既失隊後顧勞痛僕僕言去秋時有

客此沉陸山頭膚寸雲山下千尺瀑漂沒若敗牆衝激
若飛鏃洪波雖倏逝微命已難贖何如一舟輕坐泛五
湖綠不學孫登嘯免使步兵哭

嵐郡書事

疲馬投邊塞荒城急暮春慵心愁萬卷豁眼見孤松伏
盡渾無暑嵐昏便有風北山吾敢恨祇自惜途窮

暖泉亭

北地清流少茲亭興不孤煩襟聊可滌小酌不須沽藻
滿魚濡沐林空鳥畢逋長途宜熱客愧我是寒儒

懷西集

七夕過北嶽

我遊不計日但覺天氣清我遊不計地但覺嵐氣晴渾
忘今七夕身在恒山行衆峰抱重圍密樹森戈兵岸崑
半天紫宮殿穿雲明松濤鼓山腹鳴澗相鏗鉤蕭蕭逆
虎風瑟瑟臨楸坪逆虎楸坪皆山地名是時夕陽下弓月掛荒城
疲鞍落西塢鞭梢指長庚斗室羅衆客瓜果紛雜呈巧
拙豈暇辨醉倒眠甕罌余時耿不寐起坐尋秋聲開窓
揖岳頂仰見銀漢橫伏翼出敗壁疑是果老精怪子弄
虛幻化杖為龍形浪更山霧合隱約垂雙旌雲車返仙

小山詩鈔

馭耳畔繁竿笙磔然震山桥茅店明孤檠

貓

床頭唧唧百相招飽卧花陰意自驕白雪嘉名空錫予
阿奴原只自呼貓

題補袞圖

鳳蠟光寒夜漏遲繡幃倦倚小紅兒天衣補出真無縫
不負平生五色絲

夜靜猶將弱線拈臂環斜落玉纖纖世間缺事知多少
那得憑伊一一添

懷西集

五

弔卧龍松

都城南西門內向有卧松一株偃覆離奇遊人燕賞其下今忽伐去慨然賦之

寥落村原憶舊遊白雲深處失潛虬濤聲萬派歸何處
明月一輪空素秋四百年來猶夢覺三千塵劫等沉浮
知君早欲騰擎去羞向長安作楚囚

退身高卧偃荒隅伐跡何人亦可吁豈為潛淵恣作雨

多因離洞漫拋珠草衰古塚麒麟出日落長林翁仲孤

松在封氏塚地內元明以來已四百年早晚若逢安陸使寄言珍重歲寒

圖舊作一圖在張幼安處切安為安陸縣丞

再入關中晤雲川荅贈

蓬轉三千里萍逢十月時何期燕市客重讀杜陵詩風
雅君如舊飄零我獨悲嶺雲飛不斷為報雁行知

雲川寓晤商霖

忽見恍如夢相逢合是仙交情邈同里別意感流年舊
會猶能說新詩劇可憐閒尋曲江去莫負小春天

木瓜

又作青門客憑伊好贈將黃金愧士色玉腕逼爐香不
食寧辭苦留珍且善藏瓊琚敢望報或以佐瓊漿

石榴

懷西集

六

豈是金罍果疑來阿母旁錦囊秋欲破火齊亂舒光抱
璞能藏艷駢珠喜並房不妨名醋醋多子列千行

雪

朔雪來何急空林忽遍花梅肥千粒綻竹重一枝斜歲
稔他鄉卜山寒客路賒玉關春不到臘鼓莫停撾

山雞

目眩臨流怕羽衣文章顧影自增輝銅臺宮鏡塵埋久
誰信人間有一飛

立春

雪獅消落不成蹲又剪金花貼綵幡歲序速於風馬過
人情爭逐土牛喧頻年作客驚新曆邊地回春喜漸溫
獨愧御風如列子一編隨分學公孫

改歲二首次健園韵

敢道梁園作賦才狂歌一曲漫傾壘春光已逐輕鷗泛
客思偏驚候雁回腰鼓連燈催白雪胆瓶和酒供黃梅
故鄉風物猶能畫揭盡雲藍興未灰

官署朝來列火城翠旂頭上亦爭榮六年兩度秦川歲
一夜三秋故國情有脚春還隨地轉無聞學愧與時更

懷西集

七

祇應效得孫公戲笑共兒童舞月明

讌別稜秋閣次健園韵

眼前身世豈樊籠鴻鵠高飛達遠空小有天從杯底白
將離花發扇頭紅久拚人散東西濶又過春分晝夜中
欲訪崆峒應咫尺玉山烟暖日初烘

二月望發長安赴皋蘭

年來結得黍稷伴已向西行更向西萬里河源天闕近
數聲羌笛嶺雲低月明有約隨征旆芳草無情送馬蹄
惆悵東園從此別海棠紅藥正圓齊

咸陽渡

灞水回頭柳絮飄那堪西渡斷腸橋
烟波動我離鄉思落日愁人去路遙
秦地山川多鬱鬱漢家宮闕久蕭條
古來逝者真如此卧聽城樓咽短簫

安國寺

程短客早到日長時未申卸鞍尋古寺
散足破芳塵樹老山門古碑全墨損
新紅霞遠林表義御下朱輪

邠州

陝嶽懷周舊停車憶古公儉風猶土穴
勤俗正農功小

懷西集

八

市開平陸層巒仰大雄

州境有大佛寺

林花香拂帽走馬苦匆匆

金佛峽

土斷石忽突路窮山益奇懸崖置巢閣
木石相撐支壁壘兩相向猗猗列熊羆
白日淡不下青天無四垂平涼壯門戶
關隘雄西陲王師靖邊烽客子安驅馳
遠遊四方志歷險安足辭但恐前路俗
祇受塵土欺茲焉仰巉峭豁目忘形疲
安得千虬松怒攫張之而戰捷兩峯頂
黑暗天風吹

六盤山

西行過平涼風景一蕭索風高柳不青
天低日色薄身離三輔遠路入六盤惡
攀援一峯上往返幾經絡江流已字紫
錦織回文錯奪路驅羣羊蒙馬驚亦駭
忽身置雲岫磴仄瞰風壑敏猿失木據
山鬼容一脚遲迤猶掉尾下坂陟如削
堆人拱而立邀我定魂魄荒坡寒食後
逆旅鮮饍飢胃中饜塊磊何暇甘啖噉
憶昔磨盤來策蹇猶可躍惟此山不名鳥
道數劍閣七盤踞雲棧未審更何若徒險
何足奇頑樸須椎鑿

懷西集

九

會寧道中

兩岸青屏列萬重中流一澗若游龍
樵歌路遠山雲杳泉溜聲微石蘚封
就淺就深多却步適來適去躡前蹤
何時計決尋歸棹溪上桃花笑阿儂

題漆秀才書館

客程無雨只飛沙何處停驂問酒家
十室書聲顏子巷一畦青影邵平瓜
矮窻容膝宜揮麈短紙頻書怪落鴉
偶坐漆園疑是夢過牆蛺蝶趁晴花

清嵐山遇雪

藍關馬足滑灞橋驢背寒鶯花邈何處風雪過清嵐清

嵐之險在習坎未至十里峯迴盤一坡直下作三折騎

滑不進霜蹄攢

山有倒回溝極險隘

百夫謹譁拽重載聒耳不辨

鳴和鸞風吹醯雞舞天甕同雲四塞陰瀾漫須更山谷

成麵市落花粉蝶飛團團回颺直從山脚起倒吹玉屑

噴銀鞍帷車四下不得望重裘被體身猶單江南此時

正單袷茂林後楔臨清湍青梅紫笋已嘗久誰識此地

唯風餐望城不得見三角

三角城在金縣

陟險奚翅登六盤人

生貧賤勿作客作客自古行路難出門百里尚惆悵况

懷西集

十

乃遠適遊臯蘭作詩自責亦自解天欲成汝疇能寬

三月二日到臯蘭

萬壑千巒去似梭馬前翹首見黃河洪濤尚作東歸計

問我西來竟若何

遙瞻城郭急鳴騶撲帽楊花點客愁漫說東風無力甚

直吹人送到蘭州

遊臯蘭山懋五泉寺

以貌取人失子羽人固有之山亦然此山遠望苦無色

誰識近取多奇妍天公解事三日雨一洗枯槁容顏鮮

濛濛紫氣漫山谷馬足踏處穿雲烟殘紅瘦盡遍新綠

柳花飛絮隨風顛層巒巒級懋更上四首四望山綿連

黃河西挾洮水至欺山海郭侵原田欲行且止如有待

長蛇回顧首尾延老僧汲井誇土物地爐號蜩烹山泉

修廊曲檻叢木杪下聽飛瀑噴潺湲主人好事客盡頑

襟袂爽利手足便劃然長嘯在絕頂舉手欲闢青雲關

黑潭試探老蛟窟青苔細雨飛珠簾撲眉清冷坐難久

林壑雖好歸言還吳山越水舊名勝雕飾過甚傷天全

不如此山額仁智中具百竅外撲堅藏輝蘊秀意不盡

懷西集

土

留取真色還空禪會茲便當惜餘景明日再訪清池蓮

遣興二首和仲兄寄詩原韻

來遶家萬里舉目誰可悅一室倦雙書破睡自烹雪推

窓新雨後山翠環屋列亦有丁香花玲瓏不堪折風吹

散愁結何處著客熱

藜藿吾素風野蔬自怡悅蕨芽初茁肥蒲笋白如雪豈

其必河魚大許進盤列一飽更何事繭紙學三折倘容

作歌呼吾耳尚能熱

次韻荅健園